

ХАНТЫ ЯСАҢ



Основана
1 ноября 1957 года

23.04.2026
№8 (3692)

Арсыр мирәт йаха айтәйщәт



Ёмвошн арсыр мирәт йаха пилтәйщәтман вәлты щира Россия мўвтед VII-мит айтупсы вәс. П. Молданов вөрүм хур

Нуви сәңхум
районән вән
айтупсы вәс

» 6

Ляма юхан
хәнты
ими

» 7

Мир ймәлты
вера ар
әр мәс

» 10

Мирев пилтӑщты пӑта Россия мӱвтед, VII-мит ӑктупсы



➤ Шуши мирлӱв мирхота юхӑтсӑт

Вэн кер тылӑщн 14-мит хӑтл вӱш эвӑлт па 16-мит хӑтл вӑнта Ёмвошн мирев ийха пилтӑщман вӑлты щира верум VII-мит Всероссийской ӑктупсы вӑс. Щит мӱвев луват вэн вӑйтантупсы, тӑм тӑхия вэн кӑща ӗхлӱв, учёной щира вӑлты мирев, ӗх пида рӑпитты хӑннехуятлӱв па кашӑн мирев тӑйты вэн непекӑн ӗх ӑкумсӑт.

Тӑмӑщ ӑктупсы хуца кашӑн пӱш путӑр мӑнл, муй вӱрн мӱвев луваттын вӑлты арсыр мирев и нумӑса павӑтты па Россия луват арсыр мирев йис вӑлупсы верӑт тӑмхӑтл вӑнта тӑлаңа, йма тӑйты.

Тӑм ол ӑктупсыя 500 хӑннехӑ юхӑтсӑт, щит Российской Федерация 31 мӱв сӱңӑт эвӑлт. Щи кӱтн мӱң Россия мӱвевн вӑлты арсыр мирев, нумӑс тӑйты ӗх, учёной рӑпатайн вӑлты хӑннехуятлӱв, мирев пида рӑпитты хуятӑт, щӑлта па нявремӑт па айлат ӗх вӑндтӑты мирев па культура щира вӑлты хӑннехуятӑт.

Тӑм пӱш верум ӑктупсы Россия мирев ийха

пилтӑщман вӑлты ол пӑмӑтман верса, щит пӑта лӱв мет сыйна па мет мосты щира сащты вӑйтантупсы.

Тӑм ӑктупсы Югра кӑща ӗхлӱв, федеральной тӑхетн рӑпитты ӗх, щи кӱтн «Федеральное агентство по делам национальностей», «Ассамблея народов России» па ищи щира вӑлты арсыр ӗх лӑщӑтсӑт. Тӑмӑщ вӑйтантупсы сыры ищи ар пӱш ӑкмилӑс мӱвевн вӑлты ар хурасуп мирев пӑта. Щи мирев вӑлупсы лывела мосты щира лӑщӑтты пӑта.

Вӑйтантупсы ӗмӑңхӑтл щира «Югра-Классик» хуца пӱншса. Мир ещӑлт йм вӱща ясӑн Югра кӑща Руслан Кухарук путӑртӑс. Лӱв ясӑлн, Югра лапӑтмит

пӱш тӑмӑщ вӑйтантупсы ӑкӑтл, мӑта тӑхийн мӱвев луват арсыр мирев ийха пилтӑщлӑт.

» Арсыр мирев ийха пилтӑщлӑт ки – щит мӱң государстваев пайлы шӑшты пӑнт. Россия луваттын вӑлты кашӑн мирев йис вӑлупсы, йис верӑт шавиман тӑйты тӑм хӑтлӑтн – щит государстваев политика хуца така тӑйты вер, – путӑртӑс Югра кӑща хӑ.

Лӱв ясӑлн, шимл хӑннехӑйң увӑс мирева мет нӑтты мосл. Па путӑр мӑнӑс, муй вӱрн йис верӑт шавиман тӑйты мосл, муй вӱрн рӑт ясӑн лылӑңа хӑщуптӑты. Кашӑн хӑтл

верты верлӱв тӑп щирн йма лӑщӑтты пищ вӑл, хӑн кӑщӑя вӑлты ӗх, мирев пида рӑпитты хуятӑт и нумӑсн вӑлты пилтӑт. Программа хуца ар щира ар вер пӑта вӑйтантыйлты верӑт олӑңӑн хӑншман: экспертӑт путрӑт, наука щир па арсыр вӑйтантупсӑт, ӗңта пӑсанӑт, вӑндтыйлты хӑрӑт. Тӑмиты рӑпитман и верӑт пела ар щира вантты па ар щира елды тӑты пищ вӑл. Олӑң хӑтлӑн па и вер вӑс, щит «Актуальная повестка коренных малочисленных народов: национальный и международный аспект» путрупсы. Щӑта мӱвев луваттын йис щира вӑлты, йис ӗхлӑл мӱвн-ийнӑн вӑлты мирев олӑңӑн путӑр мӑнӑс. Муй вӱрн па хон пелӑк мӱвӑтн лыв пилада рӑпитлӑт, мӑта верӑт атма мӑнлӑт, мӑта верӑт па йма тӑлыйт.

Мет арсыр нумсӑт и лота ӑкмум тӑхи, щит «Коренные народы в современ-



ном мире: актуальные проблемы сохранения этнокультурного достояния» Россия мўв научно-практической конференция вэс. Пленарной а́ктупсы хуца юхтум мирев нйа доклад хэлантсат. Щит «Муй вўрн па хон пелак мўватн йис щира вэлты ёх йис верат давдасман тайлдайт» (мир луваттын ханнехэ вэлупсы лавдас-ты хэ А.В. Цыкарев), «Йис верат кашаң мирев йис вэлупсыйн» (д.и.н. О.М. Рынди́на), «Увас мирев йис вэлупсы верат муй вўрн йисн вэсат» (д.и.н. О.В. Кардаш), «Тамхатл айлат мирев ариты ара́т мухты лывела мэстаты вэлупсы кал (удмуртёх ясаң мухты)» (д.ф.н. Н.В. Кондратьева).

Щалта па и щир секция хуца путар манас, муй вўрн йисн верум пурмасат шавиман тайты, муй вўрн йис вэлупсыйн вэлум мирев вэлупсы тўнматум нумсат, верат там хатлатн ищи вана тайты. Кимат секция хуца рат яснат олаңан путар манас па йис путрат, йис моньшат, йис ара́т ясаң мухты муй вўрн сама хойлат. Та́та арсыр та́хет эвалт юхтум учёной мирев, щалта вэнлтыйлды айлат мирев па ар хуятат путар тайсат. Конференция хуца вэлум ханнехэ исторической наукайт кандидат ими Т.А. Молданова ясаңан:

» *Вера ар хурасуп путрат вэсат, та́та арсыр нумсат, путрат и похда аккуман вэсат. Наука щир путрат юпийн арсыр верат уша йилдатпа муй вўрн щир верат тўнмалтаты па елды тэты мосл. Ма щиремн, тамхатл вэлупсыйн мулды вўрн мет даварт вер тўнматты мосл. Муй вўрн щиты верты, лэ́лн муң йис пурмаслўв, йис ханшилўв, лэ́нха-калта пойкшатты ясаңлўв ал укшумдайт, ювра та́хия ал кератдайт.*

Мирев путартсат, муй вўрн наука мирев, кэ́ща ёхлўв па мўвевн вэлты сыр-сыр мирев и та́хи пела талдасман ат вэлдат, и нумаса ат питлат. Наука щира вэлты ёх арсыр верат патыдал вэнта каралдайт. Щит па́та лывела ушаң, ма́та верат ям щира манла́т, ма́та верат па атма, щалта па муй вўрн щир ювра верат госуда́рства мухты тўнмалтаты.

Конференция хуца вэлум мирев и нумаса питсат, ван кўтн актэщийлды па кўтэлн путартты, муй вўрн арсыр ювра верат ямалтаты. Щит па́та наука щир актупсы – щит вэлупсэв елды лэщатты пиш.

Кимат хатлан юхтум мирев па щир арсыр та́хетн арсыр актупсэ́та вэйтантайлсат, там пўш ханнехэйт кашаң хатл верты верат олаңан путрат мансат. Тамхатл арал пелак актупсэ́т – щит юнтты хара́т юкана вэсат. Россия луваттын вэлты мирев вэлупсэ́т, пурмасат, путрат олаңан ясаң манас, муй вўрн щир верат мир ешалт ванлтаты па муй вўрн щир верат олаңан путартты. Там та́хета юхтылум мирев щир верат олаңан кўтлалн путартсат, щалта арсыр мирев йис верат уша версат.

Тамаш та́хетн ёх пилтащман рэпитсат, лывела арсыр мирев йис верат уша верты мосас, мултэт ванлтэлыйт, дыв па юхлы луплат – щит ма́та мир ут: йис лэматляты сухат, на́рас юхат, вэлты хотат, поресты верат па летутат.

Тамаш ушхўль юнтат мухты Россия хуца вэлты арсыр мирев вэлупсы уша щир йил, уша йиты юпийн па ёх пилтащты па лэ́хсаңа йиты щир питлат.

Кимат хатлан атэлт та́хетн вэнлтыйлды щир хара́т верантсайт, щата путартсат, муй вўрн йилпа енумты



А́рсыр мират я́ха актэщийлды́т



Е.Д. Айпин киникайл ванлтэл. П. Молданов верум хурат

нявремата па айлат ё́ха мирев йис верат вэнлтаты па щир та́хета хушты. Хэ́н арсыр мирев вэлупсы вэнлтыйлды питлайт, щирн щир йис верат айлат ё́х вўша юхатлдат.

Тамхатл Россия луват арсыр мирев яснат дыла́на хашуптаты олаңан ар путар манас. Тамаш та́хета акмум ё́х и нумасн вэсат – тэ́п рэт ясаң мухты ханты хантыя хашл.

Акмум ё́х хўв ма́р путартсат, муй вўрн айлат ё́х рэт яса́на хушты па йис верат вўша тэты. Мулды нумсат лыв там верат олаңан ки тайлат, щирн лывела нэтты мосл, щирн нумсат вэлупсы вэнта тэты.

Ю́хи хашум хатлан там актупсыйн путартум путрат, йилпа верум нумсат ия́ха тэсыйт. А́ктупсыя юхтылум мирев тамаш вэйтантаупсы лэщатум ё́хлўва я́м яснат лупсат, тамаш ар мирн вэйтантаупсы я́ма лэщатмел па́та па мосты

верат олаңан путартмел па́та.

Кэ́ща ё́хлўв па ар мир яса́н хэлантсат, щир яснат национальной политика верат елды тэты па́та нумаса вўсэл.

VII-мит Всероссийской мирев похда актэщийлды щир тупсы па и пўш ванлтас: тамаш путрат, тамаш верат мирева вера мослат, кэ́щайлўв пал вэнта ё́х путрум яснат юхатлдат па лыв тамаш арсыр мирев ар верат елды уша́на лэщатты питлат. Та́та и пал нумас па́та арсыр мўв су́нат эвалт юхтум мирев пилтащсат – Россия мўвев арсыр ё́хлўв елды шэщты пантэл пайлы ат вэл, кашаң мирев рэт ясналн ат путартал, кашаң мирев лывела мэстаты летут ат дел, лывела мэстаты щира ат вэл. Щалта па арсыр мирев Россия луваттын мўвев шавиман и нумасн ат вэлдат.

Путар ханшас: **Пётр Молданов**

Вэн непекаңа йиты веритлät

Там ол вүш эвält Югра мўвн аршак айлат ех вэн непекаңа йиты веритлät. Ши вер олаңан там вәнн мирхот версät па поступсы вүсät.

Мäта хўватн äшко-лайт велци етшуптаты пухät па эвет там ол вүш эвält елды университетн округев бюджет вухät унтасн вәндтыйлды веритлät. Вантэ, округ кәщайт ши вер олаңан немасыя региональной поступсы тәса ләщätсät.

» Там ол вүш эвält округев вухät унтасн 3280 айлат хәннехуятät пäта университетät хуца вәндтаты тәхет па верлыйт. Лыв күтэлн 268 тәхи – щит целевой тәхи щирätн вәндтыйлды айлат еха мälыйт. Араттелн 2026-2027-мит вәндтыйлды олн 3350 тәхи высшей образования пäта сопäслäды, целевой тәхи щирн тәп 312 тәхи верды, – Р. Кухарук путärtäс.

Округев кәща лупäс, арсыр рәпитты тәхет ләңхалät вән непекаң хәннехуятät рәпатая вүты. Вантэ, щимäщ хуят там йисн шеңк шимда йис.

» Там йилуп поступсы арсыр тәхета округ луватн китсы, ләлн вәндтаты верät етшуптаты айлат ех елды ши кәртätн па вошätн рәпатайн ат мäсыит, – округ образования па наука департамент кәща ләңкәр не С. Возняк нөхмäс.

Округев кәща хә айкел хәнты ясаңа тулмащтäs:
Владимир Носкин

Шуши мирät «Титул» нөмуп тәхи мирхот верды

Тäта мосванән округ шуши мирät «Титул» нөмуп акционерной тәхи хуца рәпитты арсыр кәщайт ийха юхтыйлсät па нумäс версät, хуцы Ас нопätты тылäщ 20-мит хätäлн 2026-мит олн лыв хуцела акция непекаң тäйты хуятät мосл äкätты, лыв пилäда мирхот ләщätты, мäта ут пурайн хәлätнты:

1. Муй щирн юхи хäщум 2025-мит олн вух лүңätты «Титул» тәхи ех рәпитсät.

2. Муйсär тәхета мудтаса йовум вухät лыв дивидентät муй союмна щирн там ол акционерной тәхи эвält вух лүңätты ех елды сухуптäsät.

3. Муй щирн «Титул» кәщайт Совет тәхия йилуп хәннехейт пириты.

4. Муй щирн вух лүңätты тәхи рәпата аудитор тәхи щирн вантты.

Щимäщ мирхотэл округ луватн «Титул» нөмуп акционерной хәннехейт ләщätты ләңхалät ши тәхи хуца: Югра мўв, Емвош, Энгельса вош хўлы, 45-мит хот, «Олимпийская» мойң хуятät юхтыйлды хот йит, конференц-зал нөмуп тәхи. Щив юхätты хәннехуятät 10-көм щосн худыева нух хәншты питдыйт, щäлтä 12-мит щосн мирхотэл велци верда. Ар пелäk хәннехә щив äнт ки юхätл, щит «Титул» тәхи кәщайт кимит щимäщ мирхот немасыя лыпät тылäщ 20-мит хätäлн ищи тәхелн муй ищи хурасуп щосätн йилпа ләщätты питлät. Акция непекаң тäйты хуятät тывелт-тухелт яңхты, рүтьщäты хотн вәлды пäта вухн «Титул» тәхи эвält äн сухуптäдыйт.



Россия мўвев законät щирн, акционерной тәхетн рәпитты хәннехуятлүва щимäщ айкелät верлүв:

1. «Титул» тәхи кәщайт ләңхасät, ләлн лыв хуцела нух хәншум хуятät, мäта ех там ол мәнты мирхотн вәлды веритлät, сыры ши мирхот вән кер тылäщ 27-мит хätäлн 2026-мит олн ймсыева ат версät.

2. Акционера вәлды хейтнеңätтәп ши пурайн мирхота юхätты веритлät, хән щимäщ немäң непекаң тäйлät, хута лыв ин «Титул» хуца постäсыит.

3. Вән кер тылäщ 28-мит хätл 2026-мит ол вүш эвält «Титул» тәхийн нух хәншум хәннехуятät веритлät уша павätты, ин лыв акционерной тәхел ищиты Югра мўвн, Емвошн, Карла Маркса вош хўлыин, 15-мит хотн па кимит щимäщ тәхел Москва хон вошевн, Садово-Кудринская вош хўлыин, 2/62/35 хотн

вәлдäңән. Там мирхотн юхи хäщум 2025-мит олн рәпитты верät акционерн арталäты па вантты питдыйт. Муй арат вух лыв хуцела акцияйт пäта юхтäs, муй арат па тәхия сухуптäсы, па муй арат акционерät дивидентäта хäщäs.

4. Мирхота юхтум хәннехуятät йилуп кәщайт пириты питлät, щитэл пäта лыв бюллетень непекаң хәншлät, мäта хәннехә елды рäхл кәща хя павätты, ләлн лүв елды йма ат рәпитäs.

5. Бюллетень непекаң «Специализированный регистратор «Компас» тәхи Емвошн Карла Маркса вош хўлыин 15-мит хотн, тел. 8 (3467) 33 17 41, 33 17 44 ймсыева арталäты питл.

Шуши мирät «Титул» тәхи айкел хәнты ясаңа тулмащтäs:
Владимир Енов

www.khanty-yasang.ru



Вэн кер тылэщн 8-9-мит хэтлэтн Ёмвошн мўвтел мир айлат ёх «Мўв вуй вўты мирев вош» IX-мит научно-практической а́ктупсы вэс. Айлат учёной ёх пата щит мет эмаш а́ктупсы, тыв а́кумсат мўв вуй вўты тэхетн рэпитты мирев, вэнлтылды айлат ёхлал, иса хуятат, мата ёх мўв вуй нумасн вэлдэт па увас мўвев елды вэлты вер олан нэмаслат.

Мўв вуй вўты мирев вош

А́ктупсы верум ёх – щит Югра кэщайт, «Российская академия наук» хуца рэпитты ханнехуятат, Югорской государственной университет хуца вэнлтылды па рэпитты мирев па па хуятат.

Там ол вэйтантупсыя шурас мултас ханнехэ юхтас, щит инженер щира рэпитты айлат хуятат, наука щира вэлты мирев, вэнлтылды айлат ёх па а́школа нявремат.

А́ктупсы пўншумн мир ешалт Россия па округ кэщэ ёхлўв путартсат, дыв а́кмум мирева ям вўща яснат китсат.

Югра кэщэев олан ланкар хэ Алексей Забозлаев лупас:

«Мўв вуй вўты мирев вош» – щит хуцы непек хуца ханшум верат хэн, щит нумас тайты, каш тайты дылан ханнехэйт. Дыв мўв вуй олан ар вервэты ёх, щиверателды тэты хуятат.

Там а́ктупсийн мет ар путар манас, муй вўрн питы вуй мўв илпи эвалт елды вўты пишат там карты шўнкуп вэлупсийн па мўвев-йиңкев ан шўкатты щира вэлдэт. Россия Минэнерго Общественной совет хуца вэлты ики Кирилл Молодцов ясаңан, йилпа енумты айлат ёхлўва ар вер яма лэщатты мосл, муй вўрн питы вуй мўв эвалт кашан ол иса пўш ищи араттыйн вўты, муйсар йилуп карты шўнкатт щиверат пата нэтлэт, муйсар па йилуп пишат вэлдэт.



Мирхота юхтум хуятат. П. Молданов верум хур

А́ктупсы хэтлэтн кэсупсы па конгресс щир верат вэсат. Инновационной проектат кэсупсыя 60 мултас непек юхтылдэс, айлат ёх наука щирн мирхота китман 140 мултас научной непек вэс, щит иса ТЭК щира ханшум непекат.

Мет олан пўш тамаш а́ктупсы Российской академия наук айлат учёной ёх Совет миревн лэщатсат, щит пата кал, муйкемн нумсан ханнехэйт тата вэсат.

Мет мосты путар – щит «Нефть завтрашнего дня: вызовы и стратегия развития» пленарной дискуссия.

Щиверат олан путартум тэхийн Югра кэщэ Руслан Кухарук па Российской Федерация энергетика министерства хуца рэпитты кэщэ ёх па федеральной экспертат вэсат. Юхтум мирев карты шўнк верат олан путартсат, мўвев-йиңкев шавиты верат олан па муй щира па муй тэхийн айлат ёхлўв мўв вуй вўты тэхийн рэпитты щира вэнлтэты.

Там а́ктупсийн вэнлтэты верат, наука па мўв вуй вўты верат ийха юхатсат.

Мет мосты вер – щит ийха пилтэщты поступсы непек, мата тэхийн ханшман вэл, муй щирн научно-технологической верат елды тэты.

Кашан пўш мўв илпи вуй вўты мирев мойлупсийн юкантийт. Ин ищиты мойлупсы еша паватсат вэн компанияйт па щиверат, мата ёх питы мўв вуй вўты верат яма лерамтты пата ар мосты рэпата версат. Тамаш а́ктупсийн айлат ёхлўв нумсат, верат вана вўллит па дыв елды мўв илпи вуй вўты рэпатайн рэпитты пилтэт, щиверат елды тэлэт.

«Мўв вуй вўты мирев вош» а́ктупсы – щит ям вэйтантупсы, хута вэн ёх па айлат хуятат ийха путартлэт. Тата мирев йилуп нумсатн юхатлайт, тата йилуп проектат тывлэт па мўв илпи вуй вўты ёхлўв ийха пилтэщлэт.

Тамаш вэйтантупсийн мўн Югра мўвев па Россия луват топливно-энергетической комплексэв

яма рэпитты пилт.

Тамаш тэхетн мет эмаш айлат ёх пела вантты. Там а́ктупсыя вера ар каркам па апран айлат мирев юхатман вэсат. Дыв елды вэлты пата пириум рэпатаел пела, саманча вэллэт, елды тарма вэнлтылды каш тайлэт.

Тамаш рэпатайн елды вэлты нумасн вэлдэт па щиверат верат ям щира елды лэщатты эр па пиш тайлэт.

«Мўв вуй вўты мирев вош» вэйтантупсыя юхтылум арал пелак мирева там а́ктупсы – щит пириум эш хуват елды шэщты пэнтэл хуца мет олан сэхум.

Па лупты мосл, тамаш а́ктупсы, и щирн, щит мўв илпи вуй вўты ёх пата верум мосты вэйтантупсы. Кимат щирн, тата а́кмум мирев дыв арсыр нумас похла а́кэтлэт, арсыр верат олан путартлэт. Щиверат кўтн пиш каншлэт, муй вўрн мўн Югра хуца вэлты ар мирев елды вэлты дыв рўвлал мўв илпи питы вуй эрн елды тэты. Югра мўвев – щит Россия луваттыйн мет ар питы вуй вўты тэхи. Щит пата тата верты йилуп нумсат, тата тывты йилуп верат – щит мўн Россия мўвев луваттыйн ТЭК елды тэты пишат.

Тамаш а́ктупсэт мухты Югра мўвев питы вуй вўты верев иса мўвата сыйна сачл, щит вуй вўты наука мухты па технологияйт мухты.

Па и ям вер, там верат мухты ар вух еша паватты пиш вэл, вэлупсы яма кератты па айлат ёх яма питы вуй вўты вера вэнлтэты.

Путар ханшас: **Пётр Айев**



Кэщайңан кашащты непекн ёш пос пунсаңан



Мойң ёх Касум воша яңхсәт

Нуви сәңхум районән вән ақтупсы вәс

Мўң округев тывум пурайн 1930-мит одн па кимит 1931-мит одн мўң мўвевн йилдуп культура хотәт омәсты олңитсыйт па мосты верат ләщәтты па тәты питсыйт. Касум па Сосьва вошәңән хущи ши пурайн культбазайт тывсәт, кўлупәт, лўңәтты хотәт, ашколайт пўншсайт.

2026-мит одн вән кер тыләщ 13-15-мит хәтлән Нуви сәңхум районән Культура департамент коллегия вән ақтупсы вәс. Ар мир мўң хущева округев эвәлт юхәтсәт, 50-көм мултас хәннехә вәс, щит культура хущи рәпитты хуятәт.

Ёмвош округев кәщә ләңкәр нә Елена Майер, Сәрханл кәщә хә Максим

Слепов, Югра культура департамент кәщә нә Маргарита Козлова, округев культура департамент оса совет кәщә, Сәрханл вош филармония тәхи ух хә Яков Черняк Нуви сәңхум воша юхәтсәт.

13-мит хәтлән «Камертон» культура Центр хот хуща пленарной дискуссия вәс, хута Елена

Майер па Маргарита Козлова ясәң тәсәңән, муй щирн 2025-мит одн культура верәт тәты тәхет национальный проектәт щирн рәпитсәт, муй версәт па муй елды верты мосл.

Нуви сәңхум район кәщә хә Сергей Маненков мойң ёха вўща ясәң лупәс па Ёмвош округ кәщә хәева Р.Н. Кухарука па Югра мўв культура департамент тәхийн рәпитты ёха вән пәмәщипа ясәң тәс.

Коллегия мирхот пурайн па и вер тывәс, щит Нуви сәңхум па Сәрханл вошәңән кәщайңан культура щирн ийха рәпитты пәта кўтәдн кашащты непек хәншсәңән па ёш посәт пунсаңан.

Мойң ёх Нуви сәңхум вошн ашколая, нявремәт арсыр верәта вәндәтәты тәхета, «Этнокультурный центр» йис пурмәсәт

шәвиты тәхия, киника лўңәтты хота яңхсәт.

Ши тумпи дыв Касум воша «Касум ёх» пурмәсәт шавиты хота юхәтсәт. Тәта вантсәт, муй вўрн кәртәң ёх культура верәт щирн рәпитләт, муйсәр әмәщ верәт тәта ләщәтләт. «Эхо войны. Письма из прошлого» ванлупсы вәлдты хота яңхсәт па теневой спектакль хуща моньщәт вантсәт. Ньюки хотн хәнты нянь кәрн верум епләң няние пила турн шайн яньщдтәсыйт.

Щәлта «ресурсный центр» тәхия луңтсәт. Щәта вантсәт, муй вўрн кәртәң ёх рәпитләт.

Мет әмәщ мойң ёх эвәлт уша верты вәс, хути Нуви сәңхум районән культура тәхетн рәпитты мир яма па тәса рәпитләт, мосты верәт ләщәтләт.



Мойң хуятәт шайн яньщдтәсыйт. С. Рандымова китум хурәт

Путәр хәншәс:
Светлана Рандымова



Ляма юхан хӑнты ими

Аграфена Семёновна вэн кер тыдӑщ 13-мит хӑтлӑн 1951-мит олдн Ляма юхан хонӑнӑн омӑсты Песиково вӑт керӑн вой велты па вӑлэт тайты хэ Семён Павлович Песиков хотн сема питӑс, щӑта енмӑс. Лӑв путӑртӑс:

» *Ма хӑнты Песиковӑт, Кантеровӑт, Рынковӑт, Сопочинӑт рӑтӑт эвӑлт йилум, лыв Ляма, Нохӑр, Юган, Аккын Явын па Вынга юханӑт эвӑлт вӑсӑт. Хӑнты хӑвн XIX-мит нӑпӑтн Пим юхан эвӑлт Фӑдор Кантеров опрацӑм Ляма юхан мӑва каслӑс, щиты ма рӑтем елды мӑнӑс.*

Лапӑт ода ювмалн лӑв Лямина керӑн нулевой класса вӑндтылдты мӑнӑс, интернатн вӑс. Щӑлта елды Тундринӑ, Горный керӑн хуца вӑндтылдӑс, Сӑрханл вошн яӑ класс етшупӑс. Ӕхӑт 1971-1972-мит олдӑнӑн Ӕмвошн педучилища, щит юпийн 1972–1977-мит олдӑн Ленинград вошн Увӑс мир пединститут етшупӑс. Икеӑа йис па лӑв пилӑда Рига воша вӑлды мӑнӑс, щӑта 1977–1987-мит олдӑн шӑкащты нявремӑт тайты хотн медсестрая-воспитателя рӑпитӑс. Лӑв щемьяелн кӑт няврем сема питсӑнӑн. Мария Лаунонен эвел па хон пелӑк Финляндия мӑвн вӑл, Мартинс Галениекс пухл па хон пелӑк арсыр мӑвӑтн вӑс, ям арат олд Югра мӑвева юхтылдӑс па ЮГУ хуца вӑндтылдӑс, ин Латвиян вӑл па рӑпитл.

Икел пида кӑтна мӑнман юпийн Аграфена Семёновна рӑт мӑвӑда кердӑс. Тӑта Иосиф Антонович Сопочин хуца икия мӑнӑс. 1987-мит олд вӑш

эвӑлт 1991-мит олд вӑнты Русскинской керӑн ай нявремӑт вӑндтӑс па ипӑлӑн Ӕмвошн вӑлды округ нявремӑт вӑндтӑты Ӕх институт хуца методиста рӑпитӑс. Щити пурайн сӑрханл хӑнты ясӑн вӑндтӑты пӑта учебникӑт, словарят хӑншилӑс, щити тумпи вӑндтӑты Ӕх пӑта непекӑт хӑншӑс, муй ширн нявремӑт рӑт ясӑна вӑндтӑты мосл. Щиты лӑв щити арат олд мӑр 30-кем непекӑт хӑншӑс.

Щити тумпи икел пида Ным Тромаган мӑвн вӑт керӑтлӑн «Ханто» немпи шуши мир община пӑншӑс, щӑлта 14 вӑлды лӑтсӑнӑн па щити вер елды тӑты питсӑнӑн. Лӑв лупӑс, 1970-мит олдӑн Нижневартовск па Ноябрьск вошӑн вӑнты карты ӑш талсы, ширн щити пурайн щӑта вӑлды хӑнтэт вӑлды тайты ӑн питсӑт. Ин лӑв апщел щити вӑлды таш лавӑлман вӑл.

А.С. Сопочина 1991–2017-мит олдӑн Ас-угорской научной институт Сӑрханл филиал рӑпатнека, щӑлта кӑща неӑа вӑс. Щити пурайн ийха рӑпитты Ӕхлӑл пида Сӑрханл район хӑват йис путрӑт, моньщӑт, арӑт нух хӑншман яӑхсӑт, щӑлта моньщӑт пида киника есӑлдӑс.

1997-мит олд вӑш эвӑлт Сӑрханл государственной университет хуца лӑщӑтум «Рабочая группа по изучению проблемы коренного населения» тахи кӑща неӑа вӑс.

Аграфена Семёновна 2002–2008-мит олдӑн Сӑрханл район «Югра дылнуптӑты» оса тахи кӑща неӑа вӑс. Щити пурайн лӑв вӑт керӑтн вӑлды

Вэн кер тыдӑщ 13-мит хӑтлӑн хӑнты ими Аграфена Семёновна Сопочина (Песикова) сема питум хӑтлӑл постӑс – лӑв 75 олд йис.



▲ А.С. Сопочина Мария эвел пида. А. Сопочина мийум хур

хӑнтӑта мӑв илпи питы вуй вӑты Ӕх пида тывум нӑшайт тӑнматты нӑтӑс. Ма нӑмлӑм, ям арат олд юхлы Сергей Васильевич Кечимов шӑнӑт мӑв илпи питы вуй вӑты тахи Ӕх пида сӑтытылдты питӑс. Щити пурайн А.С. Сопочина лӑвела сӑт хуца нӑтӑс, лӑв тулмащтӑс, муй С.В. Кечимов путӑртӑл, вантӑ, щити ики рӑщ ясӑнӑн вевтама путӑртӑс. Ӕхӑт Сӑрханл район «Югра дылнуптӑты» оса тахи кӑщӑя лӑв хилнеӑл Вера Кондратьева йис. А.С. Сопочина лӑвел вӑндтӑслӑ, муй ширн рӑт мирела яма нӑтты мосл.

2016-мит олд вӑш эвӑлт 2024-мит олд вӑнты Аграфена Семёновна Сӑрханл район кӑща хӑ хуца вӑлды округ шуши мир совет хуца рӑпитӑс. Щӑта ищити район хӑнтӑта суртӑт тӑнматты нӑтӑс. Щити тумпи лӑв

ар вер верӑс, лӑдн район хуца ӑшколайтн хӑнты ясӑн урок ат хӑщӑс.

2025-мит олд вӑш эвӑлт А.С. Сопочина Сургутской государственной университет хуца вӑлды шуши мир институтн эксперта вӑл, ин рӑт ясӑна вӑндтӑты Ӕх лӑщӑтты нӑтл.

◆
Ешӑк Аграфена Семёновна, сема питум хӑтлӑн пида! Нӑн нӑптӑн 75 тӑла йис! Нӑн вӑлупсӑн хӑват рӑт мирен пӑта шеӑк ар ям вер верлӑн, ширн мӑн нӑнеӑа вэн пӑмашипа ясӑн луплӑв. Найн-Вӑртӑн нӑн лавӑлман ат тайлдын! Хӑв йис, хӑв нӑпӑт тумтака, уяӑа-шӑнӑӑа вӑла!

Путӑр хӑншӑс:
Людмила Гурьева



Вэн кер тылҗщ нҗлмит хҗтҗлн хҗннехуятҗт рҗтьщҗты «Радуга» немуп тҗхи хуща Нижневартовск вошн иҗха юхтум хҗнтэт, арсыр мирҗт «Вурҗа хҗтл» шеҗк эмща па хурамҗаңа порилҗсҗт. Мосл лупты, хуты җмкем арат ол тҗмҗщ хҗнты ёмҗхҗтлҗт тҗта рэт щирн тҗйты «Хунзи» община хҗннехҗйт верты питсҗт. Щи тҗхев кҗща неҗа тҗмхҗтл Светлана Хунзи (Тогачева) вҗл па кашҗҗ пҗш сыр-сыр хҗнты ёмҗхҗтлҗт тҗм Нижневартовск вошелн муй лҗв пҗҗлҗлн вҗлты тҗхетн иса щи тҗм неҗев унтасн тҗса лҗщҗтлҗйт.

«Вурҗа хҗтл» җма порилҗсҗт

Щи киньща иса алҗҗ вҗш эвҗлт тҗмҗщ ёмҗхҗтл порилҗты тҗхия Югра па җмал мҗвҗҗн арсыр ай кҗртҗт па вошҗт эвҗлт лыв щирелн рҗпитты хуятҗт иҗха җктҗщты питсҗт. Лыв кҗтҗлн щи хҗтҗлн сыр-сыр пурмҗсҗт тҗса верты па лҗмҗтсухҗт хурамҗаңа ёнтты хҗйт-неҗҗт ищиты вҗсҗт. Имудтҗйн ар пелҗк тҗхи эвҗлт юхтум хҗннехҗйт тҗта тынесты-лҗтҗсты хҗрҗт версҗт.

Лыв потум вҗды па кҗрҗҗ вой нюхет лакка пунсҗт, сыр-сыр Ас па ай юхан хҗлҗт, воньщумутҗт, арсыр хурамҗҗ лҗмҗтсухҗт па пурмҗсҗт елды тыныты щира пҗсандал хуща лҗщҗтсҗт.

Еша ёхҗт ар пелҗк эвҗлт иҗха җктҗщум хҗннехуятҗт «Вурҗа хҗтл» порилҗты питсҗт. Ёмҗхҗтл тҗты хҗ сырыя тҗмиты щи

җвҗлтҗс: «Кар-кар-кар! Тҗмхҗтл мҗтты вурҗа имев юхҗтмал па лҗв җвҗлтум тҗрсыйл җвҗс мҗвев луватн елды мҗнҗс, вҗтҗҗ Асэв нҗмпийн сора пҗрлҗс па кев пелҗк мҗвҗтн айлта хҗрлҗты питҗс. Щи пурайн лоньщ илпийн вҗлум җвҗс мҗвев сора нух верлҗс, хҗтлҗв җмсыева аршҗк хошум рҗв мҗва еслҗс па кашҗҗ тҗхийн хҗннехуятҗт «Вурҗа хҗтл» порилҗты щи вҗҗантсҗт.

Олҗҗ җсҗҗ «Вурҗа хҗтл» пҗншты пурайн Нижневартовск вош кҗща лҗҗкҗр неҗа Ирина Стрельцовая мҗсы. Иҗха юхтум хҗннехуятҗта лҗв тҗмиты лупҗс:

» Ешҗк хҗйт-неҗҗт! Кашҗҗ товийн, хҗн хҗтлҗт мелкашҗк ийлҗт, мҗҗ тҗмҗщ «Вурҗа хҗтл» ёмҗхҗтлҗт постҗлҗв. Вантэ, хҗтл наев юхҗтл па аршҗк рҗвҗҗ

хҗтлҗт мҗҗева китл. Ал хҗннехуятҗт хулыева нух амҗтлҗт, хуты нуви, хошум хҗтл тҗм мҗва юхҗтл. Ма щиремн, «Вурҗа хҗтл» – щит шеҗк эмҗщ ёмҗхҗтл! Щит пҗта тҗса, җма, хурамҗаңа щит тҗмхҗтл хулыева ар мирн постҗлы!

Щҗлҗта кимит вҗща җсҗҗ тҗм ёмҗхҗтл пурайн Нижневартовск вош дума хот кҗща хҗ Алексей Сатинов тҗс:

» Ешҗк хҗннехуятҗт! Кашҗҗ товийн, хҗн «Вурҗа хҗтл» юхҗтл, щи вҗшҗт кҗтн арсыр хҗннехҗ лыпия ищи хошум тови хҗтлҗт ар пелҗк эвҗлт иҗха җктҗщлҗт. Тҗм округевн вҗлты шуши мирҗт па лыв вҗлты-холты щирлҗл мҗҗ җмсыева тҗмҗщ хҗнты мир ёмҗхҗтл мҗнты пураятн ушҗҗа-сащҗҗа верлҗв. Ёмҗхҗтл постҗты хҗтҗлн тови мҗҗ хущева щи юхҗтл.

җма па эмща поры верты!

Хҗлмит вҗща җсҗҗ тҗм ёмҗхҗтлн Нижневартовск вош «Югра лылнуптҗты» тҗхи кҗща неҗа Екатерина Хунзия мҗсы. Лҗв путҗртҗс:

» Ма кашҗҗ хҗннехуятҗт вҗн вҗща җсҗҗ китлум па тҗмиты луплум, хуты тҗта мҗҗ муй арат ёр-щом тҗйсҗв, щи арат кашҗҗ вер версҗв, лҗлн нынана шеҗк җма па эмща тҗм «Вурҗа хҗтл» ат вҗс. Ма нҗмҗстемн, тҗм хҗтлҗв җма мҗнҗс!

Щи кҗща хҗйт-неҗҗт вҗща җсҗҗтҗпийн «Луимахансе» немуп ай эвиет җкты хот, мҗта угҗл Сҗрханл вош эвҗлт тыв юхтҗс, ар мирҗт елпийн «Кҗрҗҗне» җк щирҗт тҗса җкҗс па ванлҗтҗс.

Ёмҗхҗтлҗ «Сорни най» немуп җкты-ариты тҗхи




» «Сорни най» җкты-ариты хот неҗҗт. В. Енов верум хурҗт



» А.В. Русмиленко Сҗрханл вош эвҗлт



А.А. Головин – исследователь истории медицины Берёзовского района, фото 2000 г.




А.А. Головин – фельдшер, ветеран Берёзовского здравоохранения



Уголок краеведа А.А. Головина



В.А. Решетникова – дочь и соратник А.А. Головина, краеведа Берёзовского райздравоохранения



В.А. Решетникова – акушерка Берёзовского райздравоохранения



▲ Л.Ф. Струсь «Доктора земли обетованной» неpek эвдлт вўюм хурдт

Мир ямдлты вєра ар єр мдс

Андрей Алексеевич Головин тохтур олдддн лўв Валентина эвел путдртдс, хдн Ёмвошн «Дылддн союм» тдхийн Решетниковдт рдт єх олдддн вдйтандупсы вєс.

Андрей Алексеевич Омской область Сўмдтвош район Саранпауль кдртдн 1936-мит одн сема питдс. Ащел – Алексей Степанович Головин – рўщ хд, «Омпушнина» тдхийн пиркашеа рдпитдс. 1941-мит одн вєщ тылддщ олддн-мит хдтлддн Вудддн ддлєа тдсы па 1943-мит одн вєщ тылддщ 13-мит хдтлддн ддлєа хддрн ухд пунсдлє. Лўв Орловской область тдхийн шависы. Адкел сдран ими Фєкла Фєдоровна (Канєва эви опрощ нємл) И.В. Сталин нємпн колхозн рдпитдс. Адкиєл икєл юпийн хўв дн вєс, сўсн ай тдхет потты тылддщн днтдма йис. Андрей щн пурайн тдп ддпдт тддд йис па упєлдн єнмдлссы, щн пурайн лўв тохтура йиты нумдс вєрдс.

1944-мит одн лўв дш-

колая мдндс, 1951-мит одн щитл єтшуптдслє па Ёмвоша фєлдшерско-акушерской дшколаєа вєндтыйлдты мднты нумдс вєрдс. 1955-мит одн лўв щн тдхєл єтшуптдслє па Устрєм кдрта фєлдшєра рдпитты китсы, лўв рыпакдт хущи ядхдс.

Сўсн Советской армия тдсы, Ддлний Восток мўвн служитдс. Армия юпийн Сўмдтвош района юхтдс па 1958-мит одн Тўкьякдн кдрта рдпитты китсы. Кдртдн мирн ай тохтура альщдсы па вєнддт хуятдтн ин тдм вєнты нємман тдйдл. Щдтд лўв ими тдс, Нина Фєдоровна Ользина имєл Сурєи кдртдн сема питдс, 1950-мит олддтн дын дщкєл пидд Тўкьякдн кдрта касдлсддн.

Андрей Алексеевич Тўкьякдн кдртдн 1959-

мит олд вєнты рдпитдс. Щдтд щн пурайн кдртдн хуятдт трахома мєшн кдщитсдт па 1959-мит олд вєнты 78 мєшдн хуят эвдлт тдп щн мєшн нїл хуят кдщдн хдщдс. 74 хуят нух ямдлтсыйт 1959-1963-мит олддтн Ванзєтур вош пдльницдйн кдщд хуятд рдпитдс. Щн мдр комсомол секретаря, сельсовет дєпутдтд, сельсовет кдщд дднкдр хєя, районной па окружной комсомол комитєтддн хєя вєс.

Щдлдтд 1963-мит олддн дыв сємьєл пидд Сўмдтвоша касдлсдт. Щдтд лўв «скорая медицинская помощь» тдхийн тохтура рдпитдс. Ванкўтлы ай кдртдтд, войхўд вєлпдслдты тдхєтд кдщдн ювум хуятдт хущи ядхдс. Эвєл лупдс, хуты лўв мир ямдлтмдн 40 мулдтас олд рдпитдс.

Пдльницдйн рдпитмдл тумпи лўв арсыр оса рдпдтд вєрдс. Андрей Алексєєвич пдльницдйн парторганиздция, профсоюз тдхєтдн хущи секретаря пирийдлссы, щдлдтд мир ямдлты єх областной профсоюздт тдхия луддман вєс. Пенсия ямнмдл юпийн Сўмдтвош пдльница вєтерднт тдхийн кєщд хуятд павтыйлдссы.

Валєтина ащєлдн сдмддн тдйссы па мосты пурайн исд нєтссы. Ащєл ардт ариты сдмддн вєс па нєврємддл па хидылдл ищи ям тўр сый тдйлдт. Ая вєлмєлдн лўв нєврємддлд вандкўтлы ардт арийс. Ащєл рдпдтдєя хуятд вєс, турн хдр ддхдс, войхўд вєлпдслсдс, юдн нєтдс. Дыв ащєл эвдлт ищи рдпдтд щирдтд вєндтыйлдсдт. Ащєл пидд дыв рдт мўвєл хўвдт ядхдсдт, киникдйт лўддтты вєндтыйлдсдт.

Андрей Алексєєвич ар мирн вєйтссы. И пўш Тюмень вош ддхсдддн, ащєл вандкўтлы хдннєхуятдт пидд вўщд вєрман шєшдс. Эвєлдн иньщдсссы, хулщд лўв щн ардт хдннєхд пидд вєтдн вєл? Лўв юхды путдртдс, хуты тдм хдннєхд райкомн муй обкомн рдпитдс, щдлдтд Сўмдтвош район кдртдтн (щит район кдтна ортты вєнты) рдпиттум ай лєккардт хулдєєвд вєйтсдлє.

Валєтина Андрєєвна ащєлдд лупдс, дєлдн лўв вєлупсы щирдлд нєпєкд ат хдншсдлє. Дхдт лўв щн хдншум утдлд ямсєєвд лєщдтсдлє.

2016-мит одн Андрей Алексєєвич Головин днтдмд йис. Тдм вуддн хдннєхд мирн исд нємты пиддл. Лўв ар єр па нумдс мдс, дєлдн Ёмвош округєн па Сўмдтвош райондн мир ямдлты вєр нух алумты па ддл мирд тдсд нєтты.

Путдр хдншдс:
Надєждд Вах



Югра мўвевн лухн кӀсты вер вӀс

ВӀн кер тылӀшн 4-мит хӀтлӀн Ёмвошн атум тӀрум хӀтл вӀс, вотӀн, питы пӀлнуп ӀртӀн хӀтл. ЩимӀщ атум тӀрум лухн кӀсты мирева, мӀта хуятлӀв кӀсупсыйн нух питты вӀратлӀт, щит – ай вер. «Восточной» немуп вош хӀра лухн кӀсты каш тӀйты мирев ӀкумсӀт. Щит мўвев луваттыйн вӀлты мирев пӀта XIII-мит пўш верум лухн кӀсты хӀр.

КӀсупсы верум ӀхлӀв ясаӀн, Россия 52 мўв сўн эвӀлт юхтум Ӏх тыв ӀкумсӀт, щӀлта па па хон пелӀк мўв эвӀлт юхтум хӀннехуятӀт ищи кӀссӀт. ТӀм ол лухн 5, 25 па 50 верста хӀхӀлӀсӀт.

Мет ӀмӀщ кӀсупсы – щит увӀс Ӏх мирев нымӀлн хӀхӀлты хӀр. КашӀн ол увӀс ӀхлӀв: хӀнтӀт, вухаль Ӏх, юрнӀт вет сот метра Ӏш хўват хӀхӀлӀсӀт. ТӀм ол ши хуятлӀв немӀсыя хӀнты па вухаль Ӏх ийс лӀмӀтлӀты сухн, вейн, молупшийн муй па нӀй сӀхн кӀссӀт. Тыв кӀсты пӀта Ёмвош, СӀрханл па Нефтеюганской районӀт эвӀлт шуши мир юхтыйлӀсӀт.

Нух питум икет кўтн олӀн тӀхия Руслан Богордаев питӀс, лўв Ёмвош вӀлты хӀннехӀ. КимӀтмит тӀхия Павел Балваков питӀс, лўв ищи ЁмвошӀн хӀ. ХӀлмит тӀхи Николай Смо- родин Ӏша павтӀс, лўв Нефтеюганской район эвӀлт вӀл.

Имет кўтн тӀм ол Раиса Гаврильчик олӀн тӀхия питӀс, лўв Ёмвош эвӀлт. ТӀм имиен кашӀн ол кӀсл па нух питл – щимурт тарум па каркам хӀннехӀ! КимӀтмит тӀхия – Олеся Покачева питӀс, лўв СӀрханл район эвӀлт. ХӀлмит тӀхи – Анна Зверева Ӏша павтӀс, ЁмвошӀн ими.

КӀсупсыйн мет айлат

хӀ – Георгий Ткачук, лўв Ёмвошн вӀл. Сыры нымӀлн лўв «Лыжня Россия» хуца хӀхӀтьдяс, ӀхӀт па нумӀс пунӀс тыв юхӀтты па тӀта кӀсты. Георгий иса пўш спорт верӀтн вӀлты каш тӀйл, биатлон лухн хӀхӀтьдлӀ – щит, алпа, тӀм верӀтн лўв олӀн сӀхум тӀп верл, еллы, алпа, ар пўш нух питты питл.

Икет кўтн нух питум хӀннехӀ Николай Смо- родин лухн яӀхты ма- рафонтӀхетн кӀсты питӀс, хӀн нӀптӀл вӀна ийс.

» Ма тӀм тӀхетн лухн кӀсты питсум, хӀн 60 ола ийсум, щит 2018-мит олн. Ши юпийн кашӀн ол тыв кӀсты ши юхтыйлты питсум. НымӀлн ма кимӀт ол кӀссум. ТӀнял ол немӀлт щира нух Ӏн питыйлсум, тӀм ол па – хӀлмит тӀхи, – лупӀс лўв.

Николай Егорович Архангельской область хуца сема питӀс, щит рўщӀт вӀлты увӀс мўв. Спорт мултаса лўв иса пўш мўвӀт вантман яӀхты вер тӀйл. Ийс Ӏх иты Ӏчки щорсӀт хўват ийс мирл яӀхум пӀнтӀт хўват яӀхӀс, щӀлта па вой-хўл велпӀслӀты каш па тӀйл.

» ИйӀкӀт-мўвӀт вантман увӀс щорӀс хўват яӀхты муй па кўрн мўвӀт хўват шӀшилӀты – щит ши ма вӀлупсӀем рўв. Ма щиремн, мет ям вер – щит хӀн нӀн



КӀсупсыйн кӀсум шуши Ӏх. П. Молданов верум хур и лотн Ӏн омӀслӀн. Спорт – щит тӀлаӀа вӀлты пищем, щит мӀнты ӀмӀщӀлӀты дыл рўвем, – щимӀщ нумӀсн лўв ши вӀл.

Па и нух питум хӀннехӀ Руслан Богордаев ясаӀ тӀйс:

» ТӀм ол ма хӀлмит пўш хӀхӀлсум. ОлӀн мўн «Лыжня России» хуца хӀхӀлсўв, ищи нымӀлн кӀссўв, щӀлта па велпӀс Ӏх биатлонӀн Шапша вош хуца нух питыйлсўв. Ин ищи ма мет олӀн тӀхия питсум. Ма щиремн, хӀннехӀ нух ки вӀратл, айкемн нух ши питл.

Лўв ясӀлн, мўн округев хуца этносспорт яма мӀнты пищ па кӀс тӀйл:

» Мўн иса пўш вӀратлўв велпӀс Ӏх биатлон верӀт нух алумты, Югра кӀща вўша ат юхӀтлӀт. Щирн аршӀк мирев нымӀлн кӀсты питлӀт, па тӀмиты кӀсты вер сыйӀа сащты питл.

ЩӀлта па лўв ясӀлн, тӀмӀщ кӀсупсы – щит хӀннехӀ щомӀӀа, ӀрӀӀа верты пищ, щит мўвев-ийӀкев яма уша верты пищ.

Айлат Ӏх пела памӀтсы китӀс:

» Ал пӀлаты, нымлӀн кӀсупсыя юхтаты. Спорт – щит айлат мирев щомӀӀа-кӀсӀӀа йиты тӀхи, щит атум нумсӀт тўнматты тӀхи. Спорт пила вӀлупсы кенашӀк мӀнл.

Югорской лухн кӀсты тӀхи – щит и щирл кӀсты хӀр, кимӀт щирӀлн – ӀмӀӀхӀтл. ТӀм хӀтлӀтн Горной юхан хуца арсыр пищӀт вӀсӀт, мойӀа юхтум мирев пищтӀйсӀтампаӀн па вўлеӀн ӀхлӀтн яӀхты, сыр-сыр мастер-классӀтн пурмӀс верты, хур вўты хӀра яӀхты па тынесты хӀрӀтн мулты лӀтты. ЛӀты-яньщты хӀрӀтн ӀплӀӀ лӀтут лӀтты пищ па вӀс, тӀта вухаль мирев щира верум палум нянь, вўлы нюхи пила верум ай нянят па увӀс мирев арсыр лӀтутӀт тынысыйт.

Нух питум мирев мой-лупсӀт па ишӀк непекӀт Югра кӀща олӀн лӀӀкӀр хӀ Алексей Забозлаев мойлӀс.

ПутӀр хӀншӀс:
ПӀтр Молданов



Вэн кер тылґщ 5-мит хЌтлґн Ёмвошн вэн ёмЌхЌтл постЌсы. УвЌс мЃвева вурґа юхтЌс, щирн вошЌґ па мойґ хуятЌт тови вЃйтантты ЌктЌщийлсЌт. Вурґа хЌтл шуши мирЌт йистелн постЌсЌт. Щи хЌтлґн нявремЌт па арсыр мирЌт уша павЌтлЌт, муйсЌр йис верЌт хЌнтЌт па вухалют тЌйсЌт. Шуши мирЌт пЌта вурґа вулаґ тухлґґ, воя вЌл, лЃв тови па йилуп верЌт тЌл.

Ёмвошн Вурґа хЌтл постЌсы

Айлат хоттел ёх ол

ТЌм 2026-мит ол Югра мЃвев кЌщайн Руслан КурхарукЌн «Айлат хоттел ёх ол» альщЌсы. ЁмЌхЌтл пурайн округ кЌща лЌґкЌр хЌ Всеволод Кольцов юхтум мирева вЃща ясЌґ лупЌс:

» Арсыр мирЌт йис верЌт нявремЌт мухты еллы тЌдыйт. ТЌм хЌтл мЃґ тЌм олн мет олЌґмит сема питум няврема мойлупсы мЌлЃв. ЛЌґхалум, лЌґн кашЌґ семьяйн ай пушхиет сема ат питлЌт, иса хуятЌт тЌлаґа, йма, уяґа-пищЌґа ат вЌллЌт!

ТЌм ол Югра мЃвевн шуши мирЌт кЃтн Тамара эвие мет олЌґмит сема питЌс. ЛЃв Ќґкел-ащел Зоя Даниловна па Игорь Александрович КаймысовнЌн СЌрханл районнЌн Каймысов вЌнт кЌртЌн вЌллЌґн, вой па хЃл велпЌсллґн, воньщумутЌт па арсыр турнЌт

ЌкЌтлґн. ЁмЌхЌтл пурайн пилнЌн пушхийн пилла мойлупсийн мЌсыйт.

Арсыр мирЌт лЌхсЌґа вЌлты щира

Россия мЃвев кЌщайн тЌм ол «Арсыр мирЌт лЌхсЌґа вЌлты ола» альщЌсы. ТЌм ёмЌхЌтл арсыр мирЌт ййха ЌкЌтлдыйт. ЛЃв уша павЌтлЌт, муйсЌр йис верЌт, муйсЌр ёмЌхЌтл, муйсЌр арЌт, якЌт Югра мЃвн вЌлты шуши мирЌт тЌйллЌт, хутыса лЃв сЌмЌґа тЌрум пеллЌ вЌллЌт.

Округевн шуши мирЌт правайт вЌньльман рЌпитты не Людмила Алфёрова вошЌґ па мойґ ёха йм вЃща ясЌґ лупЌс:

» Тыв юхтум иса хуятЌта вэн пЌмашипа ясЌґт луплум, хуты шуши мирЌт йис верЌт пелы сЌмЌґа вЌллЌты. МЃґева, шуши хуятЌта, щит шеґк ЌмЌщ. Ма лЌґхалум, лЌґн кашЌґ семья вЌнашЌка ат йис, ай нявремие мет сема ат питлЌт,

кашЌґ хотн ар уй, ар амЌт ат вЌл!

КЌсупсЌт

ЁмЌхЌтл пурайн сыры олЌт иты округ арсыр вошЌт па кЌртЌт эвЌлт юхтум хЌннехуятЌт рЌт ёхлал олЌґн ванлтупсЌт лЌщЌтсЌт. ЛЃв кЃтлн кЌссЌт. ТЌм 2026-мит олн «Айлат хоттел ёх верЌт» йилуп номинация версы. АрталЌты ёхщиванлтупсЌт хЌтл мЌр тЌса вантсЌт па мет йм па хурамЌґ ул пирисЌт.

ЩитЌт кЃтн ма СЌрханл район Русскинская вошЌґ музейн верум ванлтупсы шивалЌсум. Щи олЌґн мЌнема музей кЌща лЌґкЌр не Виктория Исакова путЌртЌс. ЛЃв МултановЌт па СопочинЌт рЌтЌт олЌґн ясЌґ тЌс. Щи рЌтнЌн хурЌт па йис пурмЌсЌт тЌм ванлтупсийн ванлтЌс.

Щи тумпи кашЌґ ол округ мир пЌта кЌсупсы верЌнтлы, муйсЌр вурґа

ими лЌмЌтсух мет хурамЌґ. КашЌґ ол лЌмЌтсухЌт хурамЌґшЌка ёнтлдыйт, щиты кЌсупсы арталЌты ёх лупсЌт. ХурамЌґ хЌнты па вухаль хЌншет пилла лЌмЌтсухЌт лЌмтум 15 Вурґа ими тЌм ёмЌхЌтлн ишЌкты непекаґн па мойлупсЌтн катлуптЌсийт, щит СЃмЌтвош, СЌрханл, МанстЌр, Нуви сЌґхум районЌт, Нйх вош, Югорск, СЌрханл па Ёмвош эвЌлт юхтум нявремЌт па вэн хуятЌт. Мосл лупты, «Гранпри» немпи мет вулаґ мойлупсы тЌм олн Ёмвошн вЌлты «Дело.рук» тЌхийн ёнтЌсты имета катлуптЌсы, щит Оксана Волокитина, Анастасия Змановская па Галина Осокина, лЃв мет хурамЌґ Вурґа ими лЌмЌтсух ёнтсЌт.

Округ мир творчества хотн па «Почта России» хуща рЌпитты ёх тЌм олн «Кар-Кард» немпи кЌсупсы лЌщЌтсЌт. Тыв 333 вохты непекаґ китсы, щит Югра мЃвев 18 вош, Москва па Ёкатеринбург



» А.Р. Иштимирова-Посохова ТуевЌт рЌт ёха ванлтум хурЌт олЌґн путЌртЌл



» Татьяна Ивановна Лозямова Вера эвел пилла



«Мощ хот» якты-ариты ёх Шапша кэрт эвэлт ёмЌхЌтла юхЌтсЌт

эвэлт. ТЌм кЌсупсыя хЌн-нехуятЌт вурЌа ими хурас хурамЌЌа хЌншсЌт. Ыыв кЃтэлн «Гран-при» вудаЌ мойлупсыйн Наталья Лавришина мЌсы, лЃв Пионерской вошн «Импулс» тЌхийн хурЌт хЌншты неЌа рЌпитл. Китум хурЌт пила Открыткайт тЌм хЌтлЌн Россия мЃвев хЃваттыйн китты рЌхЌс, лЌлн рЌт муй па лЌхЌс хуятЌта ёмЌхЌтл пила вЃща ясЌЌтлупты. Щи пЌта ёмЌхЌтл пурайн пЌцта хушап ихЌтман вЌс.

арисЌт, хурамЌЌа яксЌт. Ыыв кЃтэлн Нуви сЌЌхум район эвЌлт юхтум «УвЌс хурамЌт» тЌхи ёх, «ВурщЌк» тЌхи нявремЌт, Светлана па Алексей ТарлинЌЌн, Валентина Тарлина, Шапша кэрт эвЌлт юхтум «Мощ хот» тЌхи хуятЌт, СЌрханд район эвЌлт «Петяр юх», «СухмЌт юх» тЌхет, округ мир творчества хот эвЌлт шуши мир ар сувЌт нарЌсты ёх па «Ёмвош ёх» имет вЌсЌт.



«УвЌс хурамЌт» якты-ариты нявремЌт

Елды тЌты пЌта

ВурЌа ёмЌхЌтл пурайн арсыр ЌмЌщ юнтты хЌрЌт рЌпитсЌт. КашЌЌ хЌннехЌ вурЌа тыхЌл, «ВурЌа юх шЌп Ќхтыйн» юнтут па па арсыр ЌмЌщ ай пурмЌсЌт верты шир тЌйс. НявремЌт арсыр ром юнтупсЌтн юнтсЌт. Мет каркам па пЌсты хуятЌт шуши мир кЌсупсЌтн кЌссЌт. Ай нявремЌт вурЌа олЌЌн спектакль шивалЌсЌт.

ЩИ тумпи юхтум мир пЌта этновикторина лЌщЌтсы. Ыыв вурЌа ими олЌЌн иньщЌсыйт. ТЌс ясЌЌт ястум ёх ай мойлупсЌтн мЌсыйт.

Ариты-якты хЌрн хЌтл мЌр нявремЌт па вЌн хуятЌт хЌнты, вухальщирн

МойЌ ёх ясЌЌт

ВурЌа ёмЌхЌтл округн арсыр вошЌтн постЌсы. ИтЌх хуятЌт Ёмвоша ёмЌхЌтла юхЌтсЌт. СЃмЌтвош район ТЌк вош эвЌлт Любовь Петровна Туева эвенЌл па хилылЌл пила юхтылЌс. Щи хЌтлЌн лЃв ар вЌтаЌ хЌннехЌ пила вЌйтантЌс. ЫЃвела Алла Иштимирова-Посоховайн верум ванлтупсы ЌмЌщ шивалЌты вЌс, щЌта ТЌк вошЌЌ рЌт ёхлЌл хурЌт ихЌтман вЌсЌт.

Татьяна Ивановна Лозямова Мосум мЃв эвЌлт ёмЌхЌтла юхтЌс. ЫЃв вЃт кэртЌн вЃлы лавЌлман вЌл. ЫЃв лупЌс:

» Ин ма ЫемЌЌ мЃвн щи вЌллум, пирЌщ вЃлылЌм – ма хущЌма. ПухЌЌлам ищи



Етн хот вантты юхЌтсЌт. Н. Рагимова верум хурЌт

вЃлы тЌйлЌЌн, кЌт тЌхийн вЌллЌЌн, ищи ЫемЌЌ мЃвн. Ма мет юхан тЃйн вЌллум, мет хЃвн. Вераём Кышикн вЌл, нявремлЌл айт. Людаём Сытоминайн вЌл, нявремЌт хЌтл мЌр тЌйтты хотн рЌпитл. Ма тЌм ВурЌа хЌтл велщи шивалЌсем. Нух амЌтсум, имултЃйн тЌп Кышик вошн щимЌщ ёмЌхЌтлЌн вЌсум. ТЌта тЌкЌ хЌнтылЌм, ар хЌнтылЌм сема вантсЌ-

лам, вЃща версум, шеЌк амЌтсум.

ЩИты яма па Ќмща Ёмвошн ВурЌа ими ёмЌхЌтл порилЌсы, вошЌЌ па мойЌ хуятЌта шеЌк мЌстЌс, щирн шуши мирЌт йис верЌт така лавЌлман тЌйлЃйт, щит шеЌк ям.

ПутЌр хЌншЌс:
Надежда Рагимова

Тәм моньц 1935-мит олн непека хәншса. Мўң Увас мўвева вән непекаң хә В. Штайниц немасыя йис путрәт, моньцәт хәншты щира юхтылдыс. Щи пурайн лўв тәм моньц непека финно-угорской транскрипция щирн хәншсәлэ. «Фольклорный Т-1» вән киникая 1975-мит олн Будапешт вошн лэщәтса. Ма па ин щи непека́т хўват тәм моньц мўң тәм йисн хәншты алфавита пунсем па газетайн ин нын лўңтаты.

Имеңән-икеңән вәс-ңән. Лын нявремңән тәйләңән, итәл эви, итәл пух. Имудты хәтлә йис, имед икел пелы ястәл: «Мин нявремламан довн дәтләламан!». Имеңән-икеңән нявремңәлн карты юнтты довн дәтсәлн, нявремңәл камн карты довн пилн юнтләңән, ащеңәлал-аңкеңәлал юлн омәсләңән.

Имудты хәтлә йис, и рўщ ими юхтәс. Лын пелана путәртты питәс: «Нын нявремламан юнтты карты довн вошев и пелкәл шўкатса». Имеңән-икеңән ин имед пелә дывәтты питсәңән: «Мин әнт эвәлдумн. Няврем юнтты дов муй вош шўкатл!». Ин ими мәнәс.

Ат холсәт, кимит хәтлә йис. Аләң сәхат ин имед па юхтәс. Па мулхатл иты путәртты питәс: «Нын нявремңәлн юнтты карты довн вошев иса шўкатты питса». Ин имеңән-икеңән әнт эвәлдәңән. Лын ин имед пелы юхлы дывәтты питсәңән: «Няврем юнтты карты дов муй вош шўкатл!». Ин ими холдуман-еслуман ким етәс. Лўв мәнмәл, юпийн имеңән-икеңән вәтща хәщсәңән.

Ата йис, па улсәңән. Хәлмит хәтлә йис, ин ими па юхтәс. Ин имеңән-икеңән пелы путәртты питәс: «Щи луват ям верәтн, вошев иса щи шўкатса нявремламан юнтты карты довн». Ин имеңән-икеңән ким күш етмәсңән, карты дов юхи етмәс. Щәта пәратсайңән щәта кәтәлсайңән па щәта велсайңән. Лынән велмәл юпийн карты дов мәнәс.

Карты дов



▲ Елизавета Исалева хәншум хур

Лын юпенән имеңән-икеңән нявремламан вәтща хәщсәңән па и мис дын пиләна хәщәс. Щәлта карты дов мәнәс. Карты дов мәнум юпийн дын хотәна луңсәңән.

Лын хот хәр идпия луңсәңән, карты дов элты хәнмәсңән. Лын ил луңман юпийн карты дов юхтәс. Карты дов юхи луңәс, дов хотн наврылдыл. Щиты наврылыты сәхат күншуп вәйтәс. Күншуп иньщәсты питсәлэ: «Найңәлән-вәртңәлән хулта хәнмәсңән?». Күншуп ән па путәртәл. Лўв күншуп кәтнә мәрәмәслэ, юхи давемәслэ. Па хотн наврылыты питәс. Щиты наврылытал сәхат тўт кев вәйтәс. Тўт кев па иньщәсты питсәлэ: «Нәң найңәлән-вәртңәлән хулта хәнмәсңән?». Лўв әнт

путәртәл. Ин тўт кев лўв юхилавемәслэ. Щи юпийн дов хотн па наварты питәс. Щиты навартәл сәхат ютлупса вәйтәс. Ютлупса иньщәсты питәс: «Найңәлән-вәртңәлән хулта мәнсәңән?». Ютлупса ән путәртәл. Ютлупса кәтнә мәрәмәслэ. Щи щәлта карты дов мәнәс. Карты дов мәнум юпийн найңәләл-вәртңәләл юхәтсәңән.

Юлн вәлдәңән. Щиты вәлтән сәхат мисн дын пелана путәртәл: «Нын ма шәншема деләтн, ма нынан тәлдам». Ин юлн ләщтан вәйтсәңән па и күншуп, па и тўт кев вәйтсәңән – хәлум пурмәс вәйтсәңән.

Ин мисн шәнша омәс-сәңән, мәнты питсәңән. Мисн дын пелана путәртты питәс: «Ма найңәлдам-

вәртңәлдам! Мўң щәха хўв-ван мәнлўв, щарәс питәра юхәтлўв. Нын мән-нем веләлн щәта! Щәлта ма сәлдам щәлта лакка таллиялн, щәлта ма хунем дыпия луңатн!».

Лын мәнты щи питсәңән. Мәнән елпийн тўт кев, ләщтан, күншуп вўс-ңән. Щәлта мәнты щи питсәңән. Лын мис шәншән мәнсәңән.

Мис шәншән мәнты сәхәт апщел юхлы аңкәрмәл. Карты дов щи етәс! Ин нюл вўсл элты тўтн етлы. Апщел упел пелы ястәс: «Тўт кевән ювтә!». Тўт кевәл ювәтсәллэ. Лын юпана вән тўт вущиләс. Карты дов тўт күтн хәщәс.

Лын па еллы мәнты питсәңән. Хўв-ван мәнсәңән, апщел юхлы па аңкәрмәс. Карты дов па щи етәс! Апщел упел пелы



ястъл: «Кўншпен ювтэ!». Лын юпанан шик юхпи вэнттыйс! Карты дов вэнт кўтн хящас.

Па елды мәнты питсәңән. Хўв муй ван мәнсәңән, апшел юхды аңкәрмәс. Карты дов па ши етас. И нюд вўсл элды пәсәң етл, и нюд вўсл элды тўтн етл. Упел пелы ястъл: «Лэштанэн ювтэ!». Лэштанл ювәтманл юпийн лын юпанан вән кев вўр омсантас. Карты дов кев тўм пелкән хящас.

Щәлдта лын елды па мәнты питсәңән. Хўв муй ван мәнсәңән, шарәс питәра юхәтсәңән. Мисн лын пелана нөхмәс: «Нын мәнәм ведалн!» Лын юхды нөхумсәңән: «Нәң ми-немна шеңк ям версән. Нәң ки антәм вәсән, мин карты довн щәта ши ләсайман». Лўв нөхмәс: «Мәнәм ал шалиталн!»

Щәлдта лын ши велсәлн. Сәлдәл лўвел керәтман лакка талдислән. Хўв муй ван вәсәңән хун лыпийн, хуйн вәйтәдә? Кәмн дәпәт хящас, лын ант вәйтләлн. Имудты пурая йис, нух ши верләсәңән. Нух верлуман юпийн щимәщ хот тыйс. Сәраң мавәң дантәң пәсан хот хәры кўтупн омәсл. Ин мисн хун элды щимәщ вән хот тыйс, вәлды кеша. Лын елды ләты питсәңән, ләсәңән-еньщсәңән.

Апшел ким етас, шарәс питәр хўват шәшилыйл. Лын пәхәрн вәлдәңән, лынан керәтман иса йиңк. Лўв пәхәр питәр хўват шәшилыйтал сәхат нявр кўнштәд әдемәс, яха тәңәрсәлдә, елды ювәтсәлдә. Ин ши нявр пўл элды акар ики ел навәрмәс.

Ин акар ики лўв пеләда путәртты питәс: «Нәң ин муй нумәс тәйдән?» Вөрл лўв пеләда ястъл: «Ма немәлт ән нәмәслум». Акар ики ястъл: «Нәң ин щәха юхи лундән, упен

кәшаңа йил. Упенән китлайн вухсар ики хуща лўв есум йиңк вохты». Щәлдта юхи лундәс упел хуща, упел лўв пеләда путәртты питәс: «Ма ин кәшаңа ши йисум. Нәң ин яңхдән ки вухсар ики хуща, лўв есум йиңкәд вохдән. Мосәң, лўв есум йиңкәдн ма яма йилум».

Лўв ши мәнәс ампәл пилн. Акарыел лўв елпелн навәрл. Шарәс шәпи сухум пўл ювәтсәңән, сухум ләр хўват тум пелка вўншсәңән. Мўва питсәңән. Хўв муй ван мәнсәңән, вухсар ики хуща юхәтсәңән. Вухсар ики лыкащмәл лын пелана, урыйл, кеньл. Лўв вухсар ики пелы ястъл: «Мин упемн нәң есум йиңкен тәты китсайман». Вухсар ики вулдыс па есум йиңкән мәсайңән вухсар икийн. Есум йиңк пида па и вухсар пушәхн мәсайңән. Вухсар ики лын пелана ястъл: «Нын щәха ма есум йиңкәм упенән ант ки еньщда, ма пушхема миялн, лўв ат еньщемәлдә».

Щәлдта юхды мәнты питсәт. Хәлум хуята йисәт, хәлмит вухсар пушәх. Хўв муй ван мәнсәт, шарәс пунда юхәтсәт. Сухум пўнәл ювәтсәл, шарәс шәпи сухум ләр хўват шарәс шәпи вўншсәт. Юхи юхәтты ванамаәсәт. Акарыел лўв пеләда ястъл: «Нәң ин муй нәмәслән?» Лўв ястъл: «Ма немәлт ән нәмәслум». «Мин щәха юхи лунты пиллўв (карты дов упенән юхи тәсы). Карты дов упен хот хәры кўтпа лаңксәлдә. Нәң щәха мухты лунтән итн ел навәрма, ма па нәң пиләнән навәрмәлум».

Щәлдта юхи лунсәт, карты дов шәпи навәрмәсәт. Упел лўв пеләда ястъл: «Муя па щиты навәртләлән?» Щәлдта лўв ин вухсар

есум йиңк упела мәслә. Упелн ант еньщда. Лўв вўслә па вухсар пушәда мәслә, вухсар пушәдн еньщса. Упел лўв пеләда па путәртты питәс: «Ма тәмийн яма йиты кемем антәм. Нәң па ин лепәк хуща яңха лўв есум йиңкәд вохты. Мосәң, щитн па яма йилум?».

Лын па ши мәнты питсәңән. Сухум пўн шарәс шәпи ювәтсәл, сухум ләр хўват вўншсәт. Тум пелка питсәт, па ши мәнты питсәт. Хўв муй ван мәнсәт, лепәк хуща юхәтсәт. Лепәк лыкащмәл, урыйл, кеньл. Лўв лепәк пелы ястъл: «Нәң ал лыкаща! Мўң упемн нәң есум йиңкен вохты китсаюв. Упем кәшаң, мәшәң, нәң есум йиңкен вохәл, еньщәл па яма йил». Лепәк вулдыс. Лўв есум йиңкән мәса.

Ин лыв юхды ши керләсәт, юхи мәнты питсәт. Хўв муй ван мәнсәт, юхи ванамаәсәт. Акарыел лўв пеләда па путәртты питәс: «Нәң ин муй нумәс тәйдән?» Лўв ястъл: «Ма немәлт ән нәмәслум». Акар икел лўв пеләда ястъл: «Упен ин карты дов нәң улты тәхена лаңксәсса. Нәң щәха юхи лундән, улты тәхена ал ула, тал пўнәл нурия ула!».

Юхи юхтәс, юхи лунсәт. Яна карты дов упелн лўв улты тәхеда лаңкәсум. Лыв юхи лунсәт, тал пўнәл нурия омәссәт. Упелә тўвум есум йиңк мәслә. Упелн па ант еньщса. Упел лўв пеләда ястъл: «Ма тәмийн яма йиты кемем антәм. Хәлзвәт па яңха лолмах ики хуща, лўв есум йиңкәд воха. Мосәң, па ши есум йиңкән яма йилум».

Ат улсәт, аләң сәхата йис мәнты питсәт. Тум пелка юхәтсәт, сухум пўнәл нух ванамаәслә па елды мәнты питсәт. Хўв муй ван мәнсәт, лолмах

ики хуща етсәт. Лолмах ики лўв пеләда лыкащман урыйл, кеньл. Лолмах ики пелә ястъл: «Нәң ал лыкаща! Мўң нәң хушена упемн китсаюв есум йиңк вохты. Упем кәшаң, мосәң, нәң есум йиңкен еньщәл, яма йил». Лолмах ин урыты кениты тәхел элды вулдыс. Лолмах икийн есум йиңкән мәсайт па и пушәхн мәсайт. Лолмах ики ястъл: «Упенән есум йиңкен ән ки еньщда, ма пушхиәма мие, лўв еньщемәлдә».

Вет хуята ши йисәт. Юхды керләсәт, юхды мәнты питсәт. Хўв муй ван мәнсәт, юхи юхәтты ванамаәсәт. Акариел па ши лўв пеләда хурәтты питәс: «Муй нәң ин тәм вәлтәнән нәмәслән?» Лўв ястъл: «Ма немәлт ән нәмәслум». Акариел ястъл: «Упен ин карты дов мўң улум тал нуры пелкева тухи лаңкәссәлә. Нәң щәха юхи лунтәнән, щий ал омса, улты тәхена омса!».

Юхи ши юхәтсәт, юхи лунсәт. Лўв улты тәхеда хулиево войлал пилн тухи омәссәт. Упел лўв пеләда лывәтты питәс: «Муй и кўтәтн хунтәтьдәлән омәсты тәхен элды!». Ин тўвум есум йиңкәд упела мәслә. Упелн еша еньщемәса, ант еньщса. «Тәм есум йиңкен вевтам», – лўв ястъл. Ин есум йиңкел лолмах пухәда мәслә, лўв ши еньщемәслә. Упел лўв пеләда па путәртты питәс: «Тәмийн яма йиты кемем антәм! Хәлзвәт ма нәңен па китдем, па вўды пурты вой хуши яңха, мосәң, лўв есум йиңкәдн яма йилум. Вўды пурты вой есум йиңк тўва!».

(Елды тәм путәр па газетайн лўңтаты)

В. Штайниц киника
эвәлт вўюм моньщ
мосты щирн ләщәтәс:
Наталья Краснопева



Нявремәт моньщәң, непек есәлты пәта ләщәтләт

Мегион вошн вулаң киникайт лүңәтты хот па «Югра лыднуптәты» вошәң, оса тәхи ех ияха веткем ол «Увәс тәрүм түт етәр» немпи этнолаборатория тәләт. Щәта нявремәт па айдат ех культурной па оса верәт тәты вәндтәйлдәт.

Тәм тәхийн дыв әмәщ вошәң мир пидә вәнтәнтәйлдәт, Мегион вош йис па тәм йис вәлупсы олаңән уша верләт.

Этнолаборатория хуца «Моньщәт мүнч вәлупсәвн. Хәләнтлүв, лүңәтлүв па хәншлүв» немпи вәндтәты хәр ләщәтлү. Щиты версы: нявремәт сыры Увәс мир йис путрәт, моньщәт хәләнтләт, елды дыв путәрлал па моньщәл хәншләт. Нявремәт па айдат ех Мария Волдинайн, Таисия Чучелинайн па Галина Слинкинайн хәншум моньщәт лүңәтләт, елды уша верләт па путәртләт, муй олаңән моньщәт, муй пәта тәм муй тум хуят щиты верәс. Щи юпийн дыв еша ихурпия ай моньщәт хәншты вәндтәйлдәт.

«Увәс тәрүм түт етәр» – щимәщ тәхи, хута йис вәлупсы па тәм пура



▲ А.А. Горлова айдат ех оса верәт тәты вәндтәйлдәт

вәлупсы ияха хойләт. Эвет-пухәт тәта әнтә тәп моньщәт хәншләт, щи тумпи дыв хәнты па вухаль мирңән йис путрәт, моньщәт олаңән уша верләт па тәм йис пура иты йилпа хәншты вәндтәйлдәт.

» *Ма стихәт хәншты вер мосман тәйлүм, ин моньщ хәншты оңитлүм, щи олаңән нәмәслүм, – тыв юхтум эви Анастасия Кирейчева лупл.*

Тәта нявремәт әнтә тәп шуши мир йис путрәт па моньщәт олаңән уша верләт, дыв щи вер елды тәләт, щи олаңән па нявремәта, ләхәслала путәртләт.

«Увәс тәрүм түт етәр» немпи моньщәң, непек пә-



▲ Айдат ех мирхотн

та Гайша Ульбаева хурәт хәншәл.

Тәм тәхийн хәншум кашәң моньщ – щит әнтә тәп әл моньщ, щит, вәнтә, йис па тәм йис вәлупсы күтн ай нураң иты. «Увәс тәрүм түт етәр» киника эвәлт уша йил, муй щирн интәм нявремәт йилуп щирн моньщәт хәншләт.

Ешавәл «Югра мүйв лыләң, ясаң» немпи IV-

мит вошәң литературно-краеведческой мирхот пурайн «Увәс тәрүм түт етәр» немпи моньщәң, непек вәндтәты питлы. Щиты вән кер тыләщ юхи хәшум хәтләтн Мегион вошәң па мойң мир щи непек лүңәтты веритләт.

Анна Горлова
хәншум айкел
хәнты ясаңа тулмәщтәс:
Людмила Гурьева

Ханты ясанг
(Хантыйское слово)
№8 (3692), 23.04.2026

Соучредители
Дума, Правительство
Ханты-Мансийского
автономного округа – Югры

Издатель
Департамент внутренней
политики
ХМАО-Югры

Редакция

ВРИО
главного редактора –
Рагимова Н.В.

Телефон (3467) 33-17-52 (д.502)

Ответственный секретарь –
Вах Н.И.

Телефон (3467) 33-17-52 (д.503)

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467) 33-17-52 (д.510)

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Печатный Мир г. Сургут»,
ул. Маяковского, 14.

Индексы 04393, 54393

Тираж **2166** экз.

Заказ **1160**

Цена свободная

Газета
зарегистрирована
Управлением Федеральной
службы по надзору в
сфере связи,
информационных технологий
и массовых коммуникаций по

Тюменской области,
ХМАО-Югре и ЯНАО.

12+

Свидетельство о регистрации
ПИ №ТУ 72-00796
от 23 января 2013 г.

Мнение авторов публикаций
не обязательно отражает
точку зрения редакции.